



Sabtu, 07 Oktober 2023
Ogen: Obaja 1:10-14



Tawa Bas Kepiceten Teman



Lit kuan-kuan i bas kalak Indonesia e me, “menari di atas penderitaan orang lain”. Enda labo terjeng kuan-kuan ngenca tapi nggo bengket ku ranah ilmu pengetahuan. I bas bahasa Jerman ikataken schadenfreude (schaden ertina membahayakan; freude ertina kesenangan). Fenomena enda nggo iteliti lebih dua dekade janah pemicuna e me kecemburuan. Tupung kam depresi janah nggejap maka labo kam megegeh, kesuksesan kalak sideban jadi mesera guna si idah erkiteken si bandingkan ku bas geluhta piajna turah kecemburuan. Emaka reh bana bagi si nanami kita e, maka kita tawa i bas kiniseranna.

I bas nats-ta sendah ituriken kerna ukumen Tuhan nandangi Edom. Engkai maka bage? Erkiteken nggo terjadi kekerasen seh ku bas pemunuen kalak Juda. Penggelaren “seninandu kesusuren Jakup” si isehken Tuhan man Edom erkelangken Nabi Obaja ngingetkensa maka Edom e me kesusuren Esau, kaka/senina Jakup (Kejadin 25). Si tuhuna Juda ras Edom ersenina kap. Searusna ersenina si sampaten tapi tupung bangsa Juda i serang kalak, Edom labo nggit nampati. Tapi si lit i je maka ia pe ikut muat untung alu ngerampasi, nangkapi kalak Juda dengen iendesken man musuh janah erpesta-pesta ia, meriah ukurna, tawa ia tupung Juda i bas kepiceten ras kiniseran. Emaka la banci lang maka merawa Tuhan dengen ikerneppenNa Edom maka masap me ia.

Tawa i bas kepiceten teman megati saja enda terjadi bas kegeluhenta. La ateta kalak terjoren asangkan kita, janah meriah ukurta adi ia ndabuh i bas kepiceten ras kiniseran. Emaka metengetlah kita janah ula si asuhi perukuren si bagenda rupa sabap meneken si empati ras empatita dungna ndabuh ku psikopat ras erbanca la ngena ate Tuhan.

👉 *“Tetap kepaté man kalak sikélséhen”*